

Script of Morning Gojri News Bulletin 15 June 2025 at 1015Hrs

مارننگ گو جری نیوز بلیٹن مورخہ 15 جون 2025

یوہ آکا شوانی جموں ہے محمد امین انجم تیں خبر سنو۔

Tourist Destinations

جموں کشمیر غا لیفٹنٹ گو رنر منوج سنہا نے جموں کشمیر مانہ 17 تیں مرحلہ وار طریقہ نال 16 سیاحتی مقام فر کھولن غو اعلان کیو ہے۔ یہ سیاحتی مقام 22 اپریل نانہ پہلگام دہشت گرد حملہ تیں بعد عارضی طور ور بند کیا گیا تھا۔ اس سلسلہ مانہ جموں تے کشمیر مانہ 8/8 سیاحتی جگہ پہلا مرحلہ مانہ کھولی جا رہی ہیں۔ فر کھولن آلی ان جگہاں مانہ وادی کشمیر غی بیتاب وادی، ویری ناگ، کوکرننگ تے اچھا بل جد کہ کٹھوعہ غی سرتھل تے دھگر، ریاسی غی دیوی پنڈی، سیاڑ بابا تے سولہ پارک، ضلع ٹوڈہ غی گل دندا تے جے ویلی، ضلع اڈھم پور غی پنچیری سیاحتی جگہ وی شامل ہیں۔

LG Nunwan Camp

لیفٹنٹ گو رنر منوج سنہا نے پہلگام مانہ ننوان بنیا دی کیمپ غو دورو لایو، جس غو مقصد 3 جو لائی نانہ شروع ہون آلی شری امرناتھ جی یا ترا بارے تیاریاں غو جائزو لینو تھو۔ اس موقع ور انہاں نے قدرتی آفات تیں بچاؤ بارے مرکز، یاتری نواس تے مجموعی سلامتی انتظامات غو اندازو لایو۔ ایل جی نے کہیو جے اک تفصیلی سلامتی منصوبو تیار کیو گیو ہے۔ انہاں نے یا تریاں نانہ کہیو جے ویں اپنی حفاظت غی خاطر سختی نال نامزد قافلاں مانہ ہی سفر کریں۔ موصوف نے حالیہ بہراں مانہ اہم بنیا دی ڈھانچہ بہتری وی اُجاگر کی۔

DGP Bhagwati Nagar

پولیس غا ڈائریکٹر جنرل نلن پر بہات نے جموں مانہ بھگوتی نگر بنیا دی کیمپ غو دورو لایو، دورہ غو مقصد آتی شری امرناتھ جی یا ترا بارے سلامتی انتظامات غو جائزو لینو تھو۔ انہاں نے سی آر پی ایف، پولیس تے خفیہ عہدیداراں غی اک میٹنگ غی صدارت کی۔ جنہاں نے موصوف نانہ حفاظتی اقدام غی مختصر جانکا ری دتی۔ ڈی جی پی نے کیمپ غو معائنو وی کیو تے دستاں بشکار تال میل غی تعریف کی۔ قابل ذکر ہے

جے 38 روزہ یا ترا پہلگام تے بالتال رستان تیں چلے گی۔ اسے دوران اُدھم پور، ریا سی رینج غا ڈی آئی جی سارہ رضوی نے اک کئی میٹنگ لا غے مکمل تیاری ور زور پایو۔

Dy CM

لوکاں تک رسائی غا سلسلہ غی اک نمایاں شروعات مانہ نائب وزیر اعلیٰ سُریندر چودھری نے نو شہرہ ڈویزن غا گراں کلا سرا مانہ اک عوامی دربار لایو۔ اسکا روائی غو مقصد سرحدی لوکاں غی بہتری یقینی بنان واسطے اُن غا مسائل حل کرنو تھو۔ اس موقع ور لوکاں نے رابطہ سڑک، پانی غی کمی، بجلی کٹوتی، صحت غی دیکھ بھال، بنکر تے اساتذہ اور مال چوکھر واسطے ڈاکٹراں غی کمی جیسا مسائل موصوف غے باندے رکھیا۔ نائب وزیر اعلیٰ نے افسراں نانہ ہدایت کی جے ویں فوری طور ور لوکاں غا مسائل حل کریں۔ نائب وزیر اعلیٰ نے کہیو جے لوکاں نانہ بنیا دی سہولیات اُن غا بوہاں ور پچانو سرکار غی ترجیح ہے۔ موصوف زچگی تے بچہ ہسپتال نو شہرہ غو وی اچانک دورو لایو تے ویلے سر پروجیکٹاں غی تکمیل واسطے کہیو۔

J&K State taxes

ٹیکس بارے محکمہ جموں کشمیر نے اک اہم اچانک سختی مانہ ٹیکس بارے فرضی داواں نانہ نشانوں بناتاں واں اک مہم چلائی۔ اس سلسلہ مانہ سٹیٹ ٹیکسز جموں کشمیر غا کمشنر پی کے بھٹ غی رہنمائی تے ایڈیشنل کمشنر غی نگرانی مانہ 13 نفاظ ٹیماں نے ریکارڈ غی جانچ پڑتال کر غے بڑا فرق باندے آئیا۔

Announcement

علاقائی خبراں غا شعبہ آکاشوانی جموں غی طرفوں ضلع کٹھوعہ واسطے عارضی نامہ نگار یعنی پی ٹی سی واسطیدرخواست منگی گئی ہیں۔ مجوزہ پرفارمہ ور عارضی نامہ نگار غی پوسٹ مانہ دلچسپی رکھن

آلا ایسا اُمیدوار درخواست دے سکیں گا جہیڑا ضلع کٹھوعہ گا بسنیک ویں تے اُن غی عمر 24 براں تیں 50 براں غے بشکار ہو نی چاہیے۔ پی ٹی سی غی اس آسامی واسطے تعلیمی قابلیت پی جی ڈپلومہ یا صحافت غا شعبہ مانہ ڈگری یا فرکسے تسلیم شدہ یونیورسٹی تیں گریجویشن غے ہمراہ 2 براں غو صحافت مانہ تجربو مقرر کیو گیو ہے۔ اس تیں علاوہ کمپیوٹر

تے ورڈ پروسیسنگ نالے خبر اکٹھی کرن آلا آلات تے میڈیا کوریج مانہ تجربو وی ضروری ہے۔ عارضی نامہ نگار غی پوسٹ مانہ دلچسپی رکھن آلا امیدوار واسطے لازمی ہے جے ضلع صدر دفتر کٹھوعہ یا اس تیں 10 کلو میٹر غادائرہ غے اندر رہائش پزیر وے اس سلسلہ مانہ درخواست غی ہارڈ کاپی ضروری دستاویزات غے ہمراہ ہیڈ ریجنل نیوز یونٹ آکاشوانی پنجنترتھی جموں مانہ بزات خود آئیندہ 15 جون توڑی دے سکیں۔ اس بارے مزید جانکاری ویب سائٹ

www.newsonair.gov.in

ور دستیاب ہے۔

Prog Yoga Day

علاقائی خبراں آلا شعبہ آکاشوانی جموں غی طرفوں بین القوامی یوم یوگ غا سلسلہ مانہ 20 منٹ غو اک خصوصی مباحثو نشر وے گو۔ یوہ پروگرام 18 جون 2025 بو قت سویر 7 بج غے 10 منٹ ور چلے گو۔ اس سلسلہ مانہ مہارا مہمان وین غا اک مشہور یوگ آچا ریہ ڈاکٹر سجاتا ستھو۔ وین مہاری زندگی مانہ یوگ غی اہمیت بارے اپنا خیالات سانجھا کریں گی۔ اس مباحثہ غی میزبانی شروتی کھجوریہ تے گنال شری واتسو کریں گا۔ اسے طرح غی ہور جانکاری واسطے سنتا رہیو آکاشوانی جموں تے لاؤ اپنو ریڈیو میڈیم ویو 990 کلو ہرٹز تے ایف ایم 100 عشاریہ 3۔
